

AR GOAL DEOTOU.

Chilaouit eur chanson pehini zo compost
A savet a neve gant un den demezet,
Gret pa nell ober guel e termeniou dister ,
Evit amuzamant an dud eus ar c'chartier.

Ne ves quet estonnet ama eus e glevet,
Rac n'all den beza habil hep beza studiet ;
M'en dige studiet e else gant moyen
En em exprim guelloch an draze zo certen.

Er feçon ma parlant chilaouit e gomzou ,
E fel dezâ ober brezel d'ar goal deotou ,
Mar gall da viana ober deo coll couraich
Ha lacat ar re all n'o c'hredint davantaich.

En em zicouromp oll va breudeur, me o ped ,
Da gass eus hon teuesq , ar goal deot miliguet ;
Vel d'un dar vilimus pe eur louzouen fal
Eus a vesq ar re vad, a vo lemmet ractal.

Na neuz netra quen noazus vél maze ar goal deot ,
Capabl eo da lacat an tan da begui bars ar gueot ,
Dre e gomzou trompus hac e fals finissa ,
E laça tristidiguez e quement lec'h ma za .

Ar goal deot en e guiz, zo eur potr dilicat ,
N'er gueler e nep lec'h hep beza armet mad ;
Eus a zaou instrumant didan eur vantel zu
Eur poignard, eur gontel hac a droc'h en daoudu .

Un talant caer en deus formet dre e studi ,
N'en deveus caus ebet a ne antre eni ,
Evel un avocad pa zaer der c'honsulti ,
En ra e avizou gratis de peb ini .

Ne quet unan na daou en deveus decevet ,
An oll e general a zo gantâ trompet ;
Ia ar brincet memes couls hac ar rouane ,
A zo bet a veichou, victim an treitour-ze .

Ar vignognet brassa en deveus separat ,
A cals a breejou en deveus glac'haret ;
Etre ar tad ha buguel e laca cassoni ,
Domestiquet honnest et chasse eus an ti .

Etre ar yugale e laca jalouzi ,
A boan e hallont mui memes n'em anduri ;
Me lavar en eur guer, en bed universel ,
E laca ar valiç an discord , ar brezel .

Mar col quement a dud o reputation ,
Alies marteze ne vezou quen rëson
Nemet eun tol teotad a ve lancet en ær
Evit en em ledet var pevar c'horn ar c'chartier .

Lec'h ma zo ar goal deot e chom mui a dud blesset
Evit var eur blennen , ar brezel achuet
E boignard zo lemmoc'h vit nen de ar c'hllez
Hac a ro ar maro d'ar c'horf hadan ene .

It partout da vale , dre bevar c'horn ar vro
Ar goal deot ha heulio hac ho spio ato ,
Hac aries memes en do ho annoncet ,
Ha lavaret piou oc'h quent ma vec'h aruet .

Pa zan da eur pardon, d'eur foar pe d'eur marc'had ,
Me a vel ar goal deot postet var e zou droad
O sellet en dro dean gant un ær affectet ,
Evel un den o clasq un dra bennac dianquet .

Petra a glasq eno an espion treitour-ze ?
Na n'em larfen quet deoc'h , gaout a rit couls ame ;
Petra e galsq eno ? nemet sac'h ar gueyer
Mar en deus en ancoet pa ze eteus ar guer .

Petra a glasqen c'hoas ? ar voyen da drompa ,
Ar re a car erfad a chilaou amezan .
Lavaret a rai deo : me meus clevet pe guelet
Un dra ha me'r souifec'h ho crafe estonnet .

Ne quet eun neventi , na pemp , na nao , na dec
En devo da gonta mar chommot d'e glevet ;
Mès eus millier pe zaou ha memes ouspen tri
Traou gaer en apparanc , savet e faussoni .

Pa vezou demeziou e bars en e bares
Er reze dreist pep tra en devo interest ,
Meuli eus eur c'hoste , eus un all decria ,
Hep na vo peet mad an vezou gret netra .

Petra a fel dide eta teot miliguet ?
Me a oar a veichou e halfes bet peet ,
Mès mar carfes tevel ha miret ar silanc
An enor , ar respet a ve da recompanç .

Ar goal deot en deveus eur certen consortet ,
Evel ar gontrolerien hac ar c'ontrolerez
Babill ha goaperez , youd silet , laes ribot
A ra evel m'er gouzo'h , memes hent vel ma faut .

Ne quet eus a vrema ema ar goal deotou
O lacat ar vengeanç var mes hac er c'hæriou .
Pa lenner scridou coz e veler merquet scler
Ar roudou miliguet eus o teot a viper .

N'en deo quet hep ræzon int bet comparachet
Gant ar vocen memes , o terrupla clèvet ,
Evel gant an tan goal a ra quement a ravaich
Hac a zo preferet en effet d'ho langaich .

Guel eo caouet affer eus a n̄ao c'hi hargauus
Evit n'en deo caouet eus eun teot vinimus ,
Rac blessou ar re-ze a aller parea
Hac eun taul teotroet , ya ato var oassa.

A zindan braaq an deot e sorti eur poëzon ,
Pehini a infect a belzo ar c'hanton ;
Evit remedia d'un droug quen dangerus ,
Pelec'h a vo cavet eur baum delicius ?

Inutil e zeo deoc'h na din , va mignonet ,
Sonjal caout e nep lec'h biquen eur sort remed ;
Hon tud coz a zo bet pelloc'h vit deomp er bed
Penaus sonjal caouet ar pez n'o deus cavet ?

Eus ar picou lançou hac an tauliou sabren
E caver remejuou evit parea cren ,
Mès un taul teot a ra eur gouli incurabl ,
Me lavar eur gouli ne aller paread.

Me a garfe gant poan allout caout ar voyen ,
Da zistroja eur ven ár hi c'henta grizien
Mès an dud habila o sonjal en ober ,
O oll sperejou bras a ve meurbet dister.

Pehini eo ar ven ze , nemet ar valignite ,
A behini ar griziou en em asten hemde ,
Tre belec fin ar bed eus hi c'hommançamant
Ar goal deot miliguez an cesso da barlant.

Rac eur sourcen hepquen a form cals a voeziou ,
Ha var ar memes souch a zav cals a vranquou ,
Evel er memes scoule a ve cals a leveit ,
Var ze ne vanquo james teotou fal var ar bed.

Mes c'hui , tud curius hac en em gay tud fur ,
Chui , chilaou goal deotou gant cals a blijadur ,
Hep na zonchefe deoc'h a ve o intention
Da lemel an alc'hoë demeus dor ho calon .

Chilaouit tud honnest , un aviz a ra deoc'h
Un den pehini sur , a gar cals a haneoc'h ,
Ne rit morse antre dar goal deot en hoti
Lezit an èn er porz da barzel gant ar c'hi .

Ar voyen excellant da viret ar galon ,
Ne vezò corrompet nan gant eur sort poëzon ,

Sarrif ho toriou , stanquit ho prenestou ,
Ha ne list nep passaich mui gant argoal deotou .

Ne quet an doriou coat a zer ho tiezou
Nac as prenestou guer a zar var ho camprou ,
Mès ar scoarn attentiv a brestit da glevet
Ar goal deot o conta e ziscourjou pintet .

Ar pez hon interest maya va breudeur quer ,
Conservomp hon enor mar galonp en ober ,
Lies hor eus clevet lavaret en hon amzer
An hano mad a dal tuy eguet eur goriz auouer .

A mà seblant din clevet ar goal deot o c'hoarzin
Te er mezâ a sonch dit penaus oud eur potr fin .
Mès me meus trec'het creoc'h evidoude mill gueich
Ha te dre da gomzou a zonch did va ampeich .

Nan birviquen jamès na te , na den ebet
Ne allo er mezâ va ampeich da guerzet ,
Me zo beten da roc a voen da c'houde
Hac assambles guenit me a chommo ive .

Pa ne allan gonit me zàn finissa
Pa velin ar goal deot me a renquo scampa ,
Rac mar gal va lygal a hed den e griben ,
Ne vezò quet a bel evit va feur zispen .

Ha pa ze va adversour cals creoc'h eviton
Me a renquo e ta dont da c'houlen pardon ,
Nan birviquen jamès ne permet va speret
Dont da c'houlen excus eus un tréitor touet .

Ar zon mà a zo gret evit ar voizinet
Rac mar e yafe pell ne ve quet estimet .
He zillad zo discluz , he c'houeffou a zo fal ,
Eun estranjourez vit beza deut mad , a renq bregal .

Quent se amezeyen mirit-hi en ho toutesq
Mar ne quet pinvidig hi a zo sur honest
Hac eur plac'hie honest didan eur c'hoëff lién
A dall alies gueil eguet ne pa zoug sei ha rubanen .

An hini neus gret houmà gant eur speret dister ,
A scriv ato e hano : Ronan Ollivier ,
Guinidic eur a Scaër , hac a chom equichen
Eur barrezic hanvet Tourec'h , var bordic eur stanquen .

